





7634

Ms. n.º. 221







VITA BEATI CASIMIRI CONFESSORIS

ex serenissimis Polonię regibus, & magnis Lituanię
ducibus clarissimi a Reuerendissimo patre dño
Zacharia Ferrerio Vicentino pontifice Gar-
dieni: in Poloniam & Lituaniam legato
apostolico ex fidedignorū testium
depositionibus scripta.



Regni Polonię.

Ducatus Lituanię



B. Casimirus Regis Casimiri filius quattuor Regum & vnus Cardis-
nalis germanus ac Ludouici Hungarię & Boemię Regis patruus.

BIBLIOTHECA
ROMANA
VATICANA

ca
Cibilli

Neomp^{na}



Ps.
cxviii

Faciem tuā illumina super serū tuū dñe & doce me iustitias.

VITA BEATI CASIMIRI CONFESSORIS.

IN nomine sanctę & indiuidę Trinitatis Patris, & filii, & spiritus sancti Amē. ZACHARIAS Dei & Apostolicę sedis gratia Episcopus Gardien̄ Sanctissimi in Christo patris & domini nostri dñi Leonis diuina p̄uidentia Papę decimę prelati domesticus, & referendarius, ac per vniuersum Regnum Polonię, & magnū ducatum Lituanie & Moscouię, omnesq; & singulas terras eisdem Regno & ducatibus mediate vel immediate, aut al's quomodolibet subiectas cū omni moda legati de latere, & maioris penitentiarij de vrbe potestate nuncius, & orator, atq; ad infra scripta Commissarius specialis vniuersis & singulis christianę religionis professoribus salutem, & æternam fœlicitatem. Immensa & incomprehensibilis dei sapientia habitans in consilio, & eruditis p̄grediens cogitationibus: cuius est equitas: cuius & prudentia, ac fortitudo: per quam reges regnant, principes imperant, & legum conditores iusta decernunt, sic sua inenarrabili prouidentia omnia temperat, omnia moderatur: vt nulli etati, nulli nationi, nulli ordini opportuna ope ac largitate vllō vsq; tempore defit quasi trames aque imense, & quasi fluuius Dorix rigans hortum plantationum, & penetrans omnes inferiores partes terre. Ipsa est, quę priori seculo ante legem scriptam patriarchas: post legem & ante gratiam prophetas, post vero gratiam nascenti ecclesię apostolos, & euangelistas, adolescenti martyres, crescenti in fortiore ætate pontifices, doctores, & interpretes sanctissimos, in fines autē seculorū declinanti vt plurimū confessores viros insignes: qui varijs in locis & mundi regionibus ad bene beateq; viuendum, per

Prouer.
vii.

Eccle.
xiiij.

petuamq; foelicitatem capescendam quasi tutelares patroni
humano generi opitularent sua indeficienti bonitate prou-
dit. Quū enim Lituania, seu potius Litaliania Sarmatiz am-
pla & nobilis apud basternas prouintia: quam ex italis quon-
dam plurimi in magni Pompeij partes declinantes longe an-
tea colonijs, & nomine illustrarant, sub Urbano vi. Pontifice
maximo, & Vladislao Iagellone lituanorū, seu litalianorum
magno duce anno salutis millesimo trecentesimo octuage-
simosexto Christi fidem suscepisset, eodemq; Vladislao sacro
fonte baptizato, ac in Sarmatiz siue Poloniz regem coronato
Vitoldus alias Alexander, & deinde Sigismundus eius ger-
mani titulum christianitatis adepti lituanis successiue im-
perarent omnipotens pater misericordiarum, & deus totius
cōsolationis, quo nouella hæc verę religionis plantatio eo al-
tius cresceret, & tanq̃ lignum plantatū secus decursus aquarū
vberiorē fructum afferret in tēpore suo, cœlestis illam
gratiz imbre in seruo suo Casimiro ex regibus Poloniz, & du-
cibus Lituanię spectabili visitare, & pfundere dignatus est.
Nam Vladislaus ipse Iagello ex Sophia terciā vxore duos ge-
nuit filios, Vladislaum, & Casimirū ipsius Casimiri patrem.
Vladislaus Hungarię & Poloniz regnis potitus est. Casimi-
rus autē post Vladislai fratris sui obitum ad Poloniz regnū
sublimatus tanq̃ casa mira seu mirabilis iuxta sui nominis la-
tinā ethimologiam de Helisabet Alberti ex Austrię duce
Hungarię, & Boemię, demumq; Romanorū Regis filia con-
iugē suā veluti ex arbore optima optimos fructus pcreauit
Vladislaum Boemię, & deinde Hungarię, Casimirū de quo
agimus, Ioannem albertū, Alexandrum, & Sigismudū Polo-

ij. Corin.
i.
Psalms
i.

Mat. vij

nię reges, necnon Fœdericum sanctę Lucię in septem soljs
 S, R, E, diaconũ Cardinalem postea Gneznę archiepiscopalem
 liberos sex christiana pietate conspicuos sicuti calamos au- Exodi. xv
v. xxiij.
 reos sex (si dicere fas est) ex tabernaculũ domini catholicam
 ecclesiam p̄signantis aureo illo candelabro p̄deutes. Ve-
 rum Casimirus secũdus inter eos ac si inter gemmas specio-
 sissimas carbunculus quidã diuino amore afflatus ciuitatem Deb. iij.
 hic permanentem se non habere conspicatus futurã quęsiuit
 non manufactã in cœlo, thesaurizansq; sibi thesauros ubi nec Matb. vi
 erugo nec tinea demolif, furesq; non defodiunt, aut auferunt
 labentis huius sæculi gloriam cõtempnit, atq; post aurum non Ecd. xxi
 abiens, nec sperans in pecunię thesauris, quũ inter diuites di-
 ues, ac potentes principes & ipse princeps transgredi potue-
 rit, non est tamen trasgressus, nec mala gessit. Quam igitur
 adhuc puer p̄claris moribus, bonisq; litteris erudiendus op-
 timis p̄ceptoribus a parentibus traditus in tenera illa etate
 tantũ profecisset: vt nō mediocri omnibus esset admirationi
 pueritiã ipsam & adolescentiã virtutibus om̃ibus, ingenua-
 rumq; artium disciplinis ita exegit: vt semp & ætate & sapi- Luce. ij.
 entia cresceret, ac spiritus dñi esset in illo. Inerat ei timor dñi Prouer. j.
psal. cii.
 tantus verę sapientię iñitium: vt minimũ etiam reatum flagi-
 tium maximũ: nec tantũ declinare a malo: sed & facere bonũ
 necessariũ fore arbitraretur. Porro dum eum adolescentię
 florem, quo potissimũ illud hominũ genus voluptati indul-
 gere consueuit, attigisset, tanto sensus omnes, animũq; ac
 corpus ipsum continentię freno ab omni labe compescuit: vt
 non modo adolescentibus: sed & grauioribus viris, totius
 mundię, & castitatis speculum haberetur. Quanq; in domi- Matb. xi.

bus regum esset, mollibus tamen nō vestiebat: sed secretiori
super carnem cilicio nōnunq̄ vtens, lectiq̄ molliciem, tanq̄
peccandi fomentū quātum cautius poterat furtim effugiens
super nudam humū sæpenumero q̄escebat: & licet innocens
& omnis pene peccati expers esset, tanto tamē cōpunctionis
ardore, & in saluatoris nostri Iesu Christi pro humani gene-
ris salute susceptam serui formā, agonemq̄, ac mortem assī-
dua compassionis meditatiōe afficiebatur: vt lauaret per sin-
gulas noctes lectum suū: & lachrymis suis stratum suū riga-
ret. Incredibili etiam erga gloriosam dei genitricē deuotione
flagrabat: quam pius adolescens facta a se exametris egregia
oratione (quā & vidimus omnia pene dominicę incarnatio-
nis mysteria pulchro schemate claudentem) quotidie saluta-
bat, assiduiscq̄ laudabat præconijs. Quid referam quanta se-
dulitate diuinis orationibus, diuiniscq̄ laudibus, & cerimonijs
ecclesiasticis intentus erat: cuius vita magis in ecclesia: q̄ in
aula regia, magiscq̄ cum sacerdotibus & viris religiosis, q̄ cū
auidis semp̄ acta est: Consueuerat sane silentis noctis medio
sancta frequenter loca & sacras gdes nullo sapius comitatus
homine clam visere, & quarum nocturno tempore, (vti fieri
solet) ianue non patebant limina saltem venerabatur, oscula-
batur valuas: apud quas vigiles ciuitatis, & excubantes no-
cturni exploratores cum diutius orantē sæpenumero offen-
derunt. Mane dei templa quotidie ingrediens diuinis sacri-
ficijs omnibus quousq̄ occluderentur phani ianue ita se-
dulus, ita deuotus, & supra seipsum mirū in modū eleua-
tus, ac mente in deum erectus intererat: vt quasi suū ipsius ob-
litus, & in diuinum amorem penitus raptus esse videretur,

Præteribat frequentissime sumendi cibi, & reficiendi corporis hora: quū parentū repetitis nuncijs, ac mandatis, ad prandendum e templo vix adduceres. Cibi potusq; parcissimus, ieiunijq; & abstinentię assidue vacans apostolicum illud sibi proposuerat: quoniā regnū dei non est esca & potus. In sermone rarus, mitis, & modestus nil aliud q̃ deum: q̃ diuina præcepta, q̃ virtutes egregias, q̃ salutaria monita, & documenta eloquebat. Quis vnq̃ cum detrahentem secreto proximo suo, aut ociosum, seu vanū proferentem verbum audiuit: Peccantes amice corripiebat: emendatos mira cōplectebatur humanitate. Inexorabiles autē, & obstinati animi homines acri seueritate obiurgabat: quorū plures cum ex sua clientela domoq; eliminari præcepit: tum ex regia aula pelli summā operam effecit. Religio erga deum, erga Christum fides, erga sanctam Romanā ecclesiam orbis magistrā veneratio tanta in eo fuit: vt ruthenos, q̃ varijs erroribus impliciti facto in nostri redemptoris inconfutilem tunicam schismate sanctę apostolicę sedis minime parent, & quorū per Litalianiā ipsam maxim⁹ est numerus eo sancto insectare odio: vt regi polonię parenti suo eorū antiqua phana, seu vetustate corrumpentes ecclesias, ad quas supersticiosi cōueniunt, quū catholicę aduersent vnitati instaurari publico edicto phibere modo opportune, modo importune psuaderet: qđ & aliquādo sua solertia impetrauit. Spes in eo futurorū bonorū, ac æternę felicitatis ppetua: q̃ existimabat nō esse cōdignas passionēs huius tēporis ad futurā gloriā: q̃ reuelabit in nobis. Quāobrem voluptatibus corporeis a se prorsus abdicatis castigabat cū apostolo corpus suū, & in seruitutē redigebat: ne insurgeret

Ro. iiii.

psal. c.

Ro. vii.

Ro. v

Colo. iij.

Mat. xxij

Jo. iij.

aliquando caro contra spiritum. Charitas autē pene incredibilis, non ficta quidem, sed syncera, qua erga omnipotentem deū illo spiritu diuino seruebat tam diffusa erat in corde eius, tam exundabat, ex intimoq; pectore ita exterius effluebat in proximum: vt nihil ipsi iucundius, nihil optatius esset: q̄ non solum propria erogare: verum & seipsum totū Christi pauperibus, peregrinisq; valitudinarijs, captiuis & afflictis hominibus dedere, & elargiri. Viduis, pupillis, oppressis nō modo tutor, non modo curator: sed & pater, filiusq; ac frater erat. Hic profecto longam texere historiā opus esset: si singula dilectionis, & amoris summi opera, quæ in eo erga deū, & homines viguere essent recensenda. Hæc succincta narratione, & breuiori cōpendio percurrimus: quæ ab insignibus & fide omni dignis hominibus: qui cum eo diuturnam, assiduamq; habuere conuersationē longa oratione percepimus: quorū pars magna circa eius a nobis collecta miracula facile p̄spici potest. Sicuti vero charitas est vinculum perfectionis, finisq; p̄cepti diuini: ex qua & leges pendent, & prophete: sic Cæsarius regius & sanctus adolescens, quum præclaras virtutes omnes sicuti Christi bonus odor redoleret. Charitatem tamen veluti omnium odoramentorum thecam mirabili quadā suauitate vndiq; spirabat, vndiq; exhalabat. Eam vti virtutum cæterarum principem, reginamq; præstantissimā in sponsam, quam vnice adamaret, sibi delegerat: quæ dei filium, pro humani generis salute, de summo cœlo descēdere, seipsum exinanire: carnem nostram sumere, & mortem subire, sola efficere potuit. Sic enim deum dilexisse mundum, vt filium vni genitum pro mundo daret die noctuq; ardentissimo cogita-

bat affectu. Quantū autē iusticiā coluerit quantum ample
 xatus temperantiā fuerit, quanta prudentia præditus, quan-
 tae animi fortitudine, atq; constantia fulciebat, in ea potissi-
 mum ætate liberiori, qua præcipites, & in malum suapte na-
 tura homines proni esse consuevere vix dici, vix excogitari
 potest. Iusticiam in regno & subiectis populis gubernandis
 patri quotidie suadebat. Et si quādoq; per incuriam (vti eue-
 nire assolet) aut humanam imbecillitatem aliqd in regimine
 negligebatur Regem modeste arguere nequaquā omisit. Ino-
 pum & miserabilium hominū causas æque ac suas tuebatur,
 amplectebatur: propter quod pauperum defensor a populo
 nuncupabatur. Nec & si regis filius, & sanguinis magnitudine
 sublimis esset, cuiq; se quantumvis humili & infimo hominī
 tam cōuersando, q̃ loquēdo difficilem exhibebat: sed animo
 voluens deum, qui in altis habitat, humilia respicere in cœlo, Psal. cxij.
 & in terra, suscitareq; de terra inopem, & de simo erigere pau-
 perem, inter mites, & pauperes spiritu, quorū est regnū cœ- Luce. vi.
 lorum, potius q̃ inter elatos, & potentes huius sæculi haberi
 semper voluit. Nam quanq̃ perspicacissimi iudicii, ac pruden-
 tissimus esset, sententiāq; sua reipublice plurimū consularet,
 humani tamen fastigij dominatum nec ambiuit, nec oblatum
 a patre vsq; accipere voluit metuens, ne diuitiarum aculeis, Luce. viij
 quas dñs noster Iesus Christus spinas appellauit vulneraret
 animus, aut terrenarū rerum contagio cōinquinaretur. Tem-
 perantiā in omnibus exercuit, q̃ nec nimis letabatur pro-
 speris, nec nimis tristabatur aduersis. De constantia autem &
 fortitudine animi sui omisiss plurimis id tantum recensebo:
 quod maiora ex se præfert experimēta virtutis. Plures enim

peruicit carnis pugna, pſtrarūt incentiua libidinis: quos ſup
plicia corporis, & tormenta atrocía frangere aut flectere ne
quiuerunt. Calimírū autē prāclarū adoleſcentem: cuius animo
adeo erat deſponſata virginitas: vt carnales nuptiæ, ſiue a pa
rentibus, ſiue ab amicis ei nuſq̃ pſuaderi potuerint, nec caro,
nec ſanguis, nec blanditiæ, nec titillationes vlle venereæ inſi
cere, aut ab arrepto pudicitie inſtituto dimouere aliquādo va
luere. Virginem enim ad finem uſq̃ vixiſſe, virginēq̃ poſtre
mum diem clauſiſſe om̃es & a cubiculo, & a ſecretis eius viri
maximi, & optimi: quorū adhuc nonnulli ſuperſunt: q̃buſue
intus, & in cute agnita illius conuerſatio fuerat, aſſeuerant, &
attellantur. Quod quū ex pluribus euidentibus argumentis
ſatis ſuperq̃ liqueat, ex eo potiffimū, q̃ potius mori elegit, q̃
ſœdari, maniſeſtiſſime compertū habemus. Quū enim me
dio florentiſſimę iuuentutis in morbum quendā chronicū in
cidiffet: cui medela alia nulla occurri poſſe q̃ puellari concu
bitu medici iudicabant, illiusq̃ parentes, neceſſarij q̃ plurimi,
vt virginem ſpecioſiſſimam, quā e multis delegerant, vna in
ecto cubare, & pro ſeruanda vita in amplexus & copulam
ire permitteret enixiſſime ſuaderent, rogarent, eſſagitant,
ille ſapientiſſime (vt ſemp̃ ſolebat) reſpondit, ſe temporalem
hanc, & momentaneā vitam malle amittere: q̃ æterna & im
marceſcibili in cœlo carere, obiurgabatq̃ eos om̃es, q̃ rem
ſibi ſuggerere illicitam non erubereſcent. Quūq̃ adhuc vt
floridæ iuuentuti, vitæq̃, ac ſaluti conſuleret magis, ac magis
adhortarē, & importunis etiā precibus obteſtarētur dome
ſtici reſpondit ille ſalutem vitamq̃ aliam neſcire: q̃ Chriſtum
dominū: cum quo vt eſſet cupiebat diſſoluī, & ad quē iam ſe

ex ea valitudine breui profecturum esse perspiciebat: quod
& ira factum est. Nam ingrauescente morbo quum naturali
robore destitui coepisset ecclesiasticis sacramentis, veluti spi-
ritualibus quibusdam contra aereas potestates, & tenebra-
rum harum rectores munitus armis, inter assiduas oratio-
nes, & sancta colloquia adstantibus, sacerdotibus, & viris re-
ligiosis animam illam candidissimam, & Christo amabilem
(vt p̄dixerat) perendie carnis vinculo solutam omnipotēti
deo reddidit. Obijt autem apud Velliam siue Vilnam Litua-
niæ seu Litalianæ primariam ciuitatem in Grodno oppido
Anno ab virgineo & salutifero partu Millesimo quadringē-
tesimo octuagesimo quarto: die quarta martij illucescente
aurora, annoq; vltimo Xysti quarti pontificis maximi. Vixit
annos vigintitres: menses sex: sepultusq; est collachryman-
tibus cunctis apud arcem, vbi sedes pontificia Vilnē sita est
in diui Stanislai martyris ac pontificis æde sub sacello almæ
genitricis dei mariæ: cui & mentem omnem, & pudicissimū
corpus addixerat. Erat autē pius adolescens & famulus dei
Casimirus mediocris staturæ caesariē mustellini vel subnigri
coloris habens, subnigris oculis, & naso æquali, ac temperati
ruboris, facie elegāti, formosa & venerabili: vt qualis intrin-
secus esset ex ipsa effigie existimari posset. Aspectu p̄fecto
pulcher: sed longe pulchrior religione diuina, vt pote mori-
bus ornatus angelicis; cuius mentem atq; regium pectus,
nihil scēdi, nihil turpis, nihil obscēni vnq; tetigerat. Quod
post eius obitum luculenter ostensum est. Nam omnipotens
author vt indicaret quanta meritorum cœlitudine, virtu-
tumq; sublimitate apud se Casimirus magnus extiterit,

mox ex eius sepulchro tot, tantaq; signa, ac miracula patefa-
cere dignatus est, indiesq; magis ostendit: vt hæsitare nemo
debeat quin æterna cum Christo scælicitate in cælo fruatur.
Hi enim qui sine spe humani auxilij morbis incurabilibus,
grauissimisq; valitudinib⁹ laborant, surdi, muti, claudi, aridi,
cæciq; vt primum eius mausoleo se deuouerint auditum, lo-
quelam, incessum, visum, pristinamq; incolumitatem recupe-
rant (quodq; longe admirabilius ac pene incredibilius est)
reuiuiscunt mortui, aliaq; q̄tidie obstupefescenda fiunt miracula:
inter quæ illud prioribus sæculis rarissimū, nostraq; ætate in-
auditum superiori anno accidit. Nam quū dux Moscorum
Basilius Ruthenorū erroribus implicitus maximo schismati-
corum ad circiter sexaginta equitum millia comparato exer-
citu ex insperato Lituaniz fines aggressus esset, improuisi
polonorū & lituanorū duces qbus copijs hosti occurrerent,
quū nullæ suppeditaerent, qua militari manu freti resisterent,
quum longe abesset, penitus ignorabant. Charas tum coniu-
ges, dulcia pignora, paternas ædes, oppida, prædiaq; iucun-
dissima veluti amissa, Lituaniamq; omnem tanq̄ depopula-
tioni expositam desilire cœperunt. Nulla enim se, suaq; tutandi
spes supererat. Vnæ vel mors, vel morte crudelior miseranda
captiuitas expectabatur. Quid facerent: quorsum se verterent
tanto metu perculsi? Aegit genuina, magnanimaq; nobilitas,
qua clarissimi duces illi prædicti erant, vt, etsi non modo vinci,
verum absorberi se ab hoste posse conspicerent, hosti tamen
non cederent, nec se in fugam darent: sed collectis quos po-
tuere ad duo, vel circiter, millia ex domesticis, vernaculisq;
& inquilinis fortes in bello persisterent. Enimuero uti p̄ij, &

Christo deuoti prospexerunt, quoniā deus noster refugium, ps. lvi.
& virtus, adiutorq; in tribulationibus, si ex corde inuocaret,
sibi in opportunitate deesse nō posset, eamq; calamitatem, q;
diuum Casimirum innumeris coruscantem miraculis (vt sa-
pius vna decreuerant) in sanctorū cathalogum ab apostolica
sede referri pollicitam operam non impenderant, eis accidisse
arbitrati sunt. Quāobrem auxiliū de alto supplices implo-
rarunt, ad ipsiusq; beati Casimiri suffragia confugientes vno
animo, vno ore ita precati sunt. Diue Casimire, quē tutelam
præcipuam generis nostri, & huius patriæ patronū apud om-
nipotentem deū esse confidimus respice afflictionē, & mœ-
rorem hunc nostrum: ne dominent nobis inimici nostri im-
mundi, schismatici, & a vero sanctę matris ecclesię ritu, ac gre-
mio alieni. Tu spes nostra: tu præsidium nostrū. Miserere igi-
patriæ opem tuā implorantis: in qua & natus, & educatus es.
Miserere gentis: ex qua originem ducis: & quā tuis sanctissi-
mis ossibus, ac reliquijs nitidissimis cōdonasti. Neu deferas
nos omni humana spe, omī solatio destitutos. Potens em̄ es:
per quē tot, tantaq; quotidie mirabilia operatur altissimus.
Et si iuxta fidem obseruantiaq; summā, quā erga te gerimus
votū tuorū faueris: vt pro christianæ religionis splendore, &
tuæ nationis exaltatione te in sanctos referat pontifex maxi-
mus omni studio laborabimus, & iure efficiemus. His dictis
quidā sensibilis animi vigōr, quædā mentis alacritas ita eos
diuinitus cepit: vt q̄q; supra sexaginta millia equestriū nume-
rum moscos excedere ab scytis exploratoribus didicissent,
ex apricisq; locis quibus ijdem infederant mosci, & castrame-
tauerant ita esse procul appareret & cerneret, duocq; tantum

hominum millia (vt diximus) lituani principes vna confare
tunc potuissent, nil tamen veriti in hostes insilire statuerint.
Deo igitur, & diui Casimiri patrocinio fusi animo volutan-
tes dauidicū illud: quia hi in curribus, & hi in equis: nos autē
in nomine dei nostri inuocabimus, vno animo, & vno im-
petu in moscos, quo vna cōfligerent prorupere. (Res mira)
tantus pavor, tantus deniq; tremor, & horror eas moscorū
numerosas & cataphrattas equitū copias inuasit: vt ac si in-
numerabilem, validissimūq; exercitū post terga irruentē for-
midarent sese in fugam præcipites conuerterint. Eos vero si-
dei lorica armati lituani insequunt, trucidant, spoliant, capti-
uant. Adimpletumq; est illud Deutoronomij: Persequebat
vnus mille: & duo fugabant decem millia: quia dñs deus ven-
didit eos, & dñs conclusit illos. At quū hoc admirandū sit (vt
pote non casu aliquo, sed diuinitus factum) longe tamen mi-
rabilius est, q; plurimis moscorū a lituanorū cuneo admodum
paruo: vt diximus: parta optima præda fuis, desideratis, ac in
captiuitatem ductis vix vnus ex lituanis aut captus, aut in-
teremptus est. Ostendit enim seruator & deus noster Chri-
stus quod suis tyronibus in euangelio pollicitus erat stabili
veritate fulciri: q; nec capillus de eorū capite periret. Diuino
igitur hoc beneficio perciti Lituaniæ duces, ac domini, Sere-
nissimū Poloniæ Regem Sigismundū diuo quidē Casimiro
germanum superstitem: qui & ipsorū magnus dux est: enixe
deprecati sunt: vt apud sanctam apostolicam sedem, quo idē
Casimirus sanctorum confessorum numero absq; prolixiori
mora adscriberet, intercederet, instaret. Quod & dū crebris
epistolis, ac insignibus oratoribus Rex ille religiosissimus ab

psal. ij.

Deut. 32

L. u. xxi

beatissimo Leone decimo pontifice maximo impetrasset,
seruantissimis patribus Ioanni archiprasuli gnezneſi Polo-
nię primati, ac legato nato, necnō Petro tunc premillieſi, nūc
vero poſnanię pontifici, Regnię Polonię vicecancellario,
poſtremo vero nobis in Poloniam & Prussia ad eundē re-
gem mandato apostolico ex vrbe proficiſcentibus ad ipſius
diui Caſimiri geſta ac miracula pergreſſenda inter cętera ardua
negocia prouintia eſt demandata. Id vero muneris omni fi-
deli opera, & ſedulitate exquiſitiſſima ita obuiimus, atq; exēgi-
mus: vt inter innumera pene miracula quę iureiurando ad-
hibito illi nobis recensuere: qui & interfuerunt, & conſpex-
runt, manibus contrectauere, ac in ſemetipſos experti ſunt,
quoſue nobiliores ex alijs & fide digniores ad teſtimonium
perhibendū delegimus ea tantū omiſſis ſuperfluis, quę ſin-
gularia, & ad eius ſanctitudinē probandā ſufficere viſa ſunt
deſcripſerimus, annotauerimus. Hunc autē modum, hanc ſe-
riem obſeruauimus. Poſtq̃ apud eundem inclytum Regem,
apud magnū Prussia magiſtrū ex brandeburgeniſibus mar-
chionibus illuſtrem Albertum inuicem diſſidentes, grauię
bello decertantes recōciliandi eos gratia ſemeſtri laboraſſe-
mus, ambobuſq; in amicitiam pene adductis poſtrema pen-
deret, & in longum tempus trahereſ pacis conditio, itinere
in Lituaniā autumnū ingreſſu iam accōmodo: vt iuſſu ſan-
ctiſſimi Pontificis Romani eoſq; in Vilnam pſciſceremur:
ſepulchrum diui Caſimiri ibidem inuiſeremus, indeq; tanq̃
e pleno fonte eius & geſta, & miracula ſatius hauriremus
Rex ipſe poſtulauit, Vilna vero ciuitas in vltiorem Sarma-
tiam ſeptemtrionalem ſita ab Thorunio Prussia oppido, vbi

tunc agebamus quingentis millibus passuum distat. Patria
coeli rigiditate frigida, & horrida: in qua raro æstas aspicitur;
planicie, & syluis, stagnisq; ac paludibus vndeque vallata
est: nobilitate gentis clara, commeatu vario, & mercimonijs
quum ex germanico & sarmatico oceano, tum ex pontico
mari, Armeniacq; Scythia (taurica Chersoneso potissimum)
Thracia insup, omniq; sere Græcia, & Mysia insignis, situ spa-
tiosa, vitis ignara, frugibus sterilis; sed robustioribus equis,
& exiguis illis animalibus, e quibus ad vestimentoꝝ ornatū,
frigisq; cohibendū præciosę pelles conficiunt sobolis, mar-
duribus, mustellisq; candidissimis, seu armellis (vt ab Arme-
nia vulgo dicunt) non parum affluens. Præterea & bisontis,
siue vri, onagri, vrsi, cerui, apriq; spectaculo, ac venationibus
ob nemorū magnitudinē, & densitatē præcipua. Huc igitur
custodibus, & ducibus itineris nobis a rege adhibitis xi. idus
Augusti ex Thorunio per Amastobiam soluimus: dumq; au-
tumnale tēpus, humidusq; & nubilosus aer ingentes pluias
quotidie minarent, nusq; tamē nos imber iter facientes colle-
git; sed vel noctu, vel interdiu, postq; sub tectum in hospitia
nos receperamus cōfestim cadebat, ac si nubes quasi velamē
quoddam nos a solis ardore die, ptegere, & noctu nimbus
descendens harenosos pulveres: quibus iter illud infestum
redditur: ne oculos offenderent cœlesti beneficio cōpescere
viderentur. Quod diuinum munus ob eum, quem pro diui
Casimiri meritis indagandis lubentes laborem susceperā-
mus, nobis a deo optimo concessum admirabundū conspicā-
batur. Nam & quandoq; nobis iter habentibus fulgurante
vndiq; cœlo, & stridente ac boante tonitru, versaq; pene in

noctem die tanta vis aquarum ad duas ferme horas in aere
suspensa cernebatur: vt terram omnem sub alluue illa pene
posse sumergi credidisses: nobiscq; tamen cur tantū immo-
raret minitantis pluuię casus obstupescētib; mox vt hospī-
tio appuleramus, equiue nostri, sarcinę insup, & currus om-
nes sub tectum recepti erant, tantus pluuię celo ruentis re-
pente impetus inundabat: vt quasi nos, quousq; vna cū rebus
nostris ab ea tuti ac liberi essemus expectasse videretur. Se-
mel quoq; dum in Amassobia diem assumptionis gloriosę
virginis & dei genitricis Marię totum ferme solennibus sa-
crificijs celebrassemus: iamq; affatim decidente pluuiā: quę
initio diei incœperat (nec desinebat) iter nostrum prosequi
statuissēmus, quū primum equos conscendimus nimbus ille
omnis serenitate restituta ita continuo sedatus est: ac si ad dei
benignitatē in seruo eius Casimiro nobis manifestius osten-
dendam momentum illud quo cessaret diuino iussu perpen-
disset. Semel tantum eo itinere, quod duobus & xx. diebus
p̄fecimus (modicoq; tamen spatio) exilis quidē, & tenuis im-
ber instar roris nos vlla absq; molestia & dispendio vix atti-
git. Per sylvarum igitur incultos aditus, desertaq; ac palustria
sæpenumero loca iter agentes prima dominica die, iiii. noni
septembres Vilnam seu Velliam (vtroq; enim nomine a duo-
bus fluminibus qbus abluitur dicta est) Christo auspice per-
uenimus. Mane ante nostrū in ciuitatē ingressum pro nostra
& vrbis illius salute, ac fausto agendaꝝ rerum successu om-
nipotentī dño sacrificium obtulimus, de difficilīq; & longo
itinere prospere acto ægimus gratias. Facto demū prandio
tertia serē ante noctem hora seruantissimis patribus Ioanne

vilnenſi, Ioanne Chiouiē, & Iacobo caphenſi pontificibus,
magiſtratibus quoq; ac vniuerſo clero, innumerabili deniq;
ex catholicis, & ſchiſmaticis populo obuiam veniētibus ciui-
tatem intrauimus: ad diui Stanīſlai ædem, quæ primaria ibi
eſt, & pontificia, pereximus, pſolutiſq; deo gratijs, ac ſacris
cerimonijs rite ſeruatis in hoſpitiū honorificentiffime de-
ducti, & ſuſcepti ſumus. Illud autē admirabile fuit, q̃ dum ci-
uitatem ipſam intraremus tantam aquarū inundantiam den-
ſatis vndiq; nubibus obſcurus aer minabatur: vt nulla ingru-
entis alluuiæ periculum euadendi ſpes nobis ſuſeſſe vide-
retur. Sacerdotes ſacris induti veſtibus (& his quidē precio-
ſiſſimis) ſenatores, & optimates ſerico, gemmis, & auro cir-
cumamicti, populoq; innumerabilis cōcurſus imbrem ma-
ximum metuentes cœlum arrecti ſuſpiciēbant. At omnipo-
tens pater, & deus totius conſolationis, vt oſtenderet ſeſe in
finem vſq; operimēto alarum ſuarū nos benigne protegere
voluiſſe eum aquarū conatū, q̃ rariffimas demittens guttas
vī quali velle irrumpere videbat, nec poſſe, ita ſuſpenſum re-
tinuit: vt admirātibus cunctis nuſq; descendere valuerit, quo-
uſq; ſacris ædibus perluftratis, peractiſq; ſupplicationibus ad
hoſpitiū inde adducti eſſemus. Enīmuero vt primū nos te-
ctum excepit tam crebra præcipitis pluuiæ celeritas ſecuta
eſt: vt eodem pene momento fuerit hoſpitij ingreſſus, & im-
briū deſcenſus. Nec ſilendum eſſe putamus quod nobis
omni Lituania admirante diuinitus accidiſſe nemo ignorat.
Quum enim Lituania Sarmatię prouintia ex ſeptemtrionali
plaga vbi ſita eſt frigida adeo hyberno præcipue tempore &
gelida exiſtat: vt non modo homines extra domos diutius

immorantes aliquādo nasum extremitatesq; digitorū ex eo
rigore maximo amittant, & frequentissime ita congelent:
vt vitę cedere compellant: verum & serę ipsę in syluis immo-
biles fiant, arborescq; ac tigna domorum crepent, ac a summo
deorsum vsq; sæpenumero proscindantur: eo tamen tem-
pore hyberno Decembre & Ianuario, quibus ibi eramus, &
maior hyemis rigor sęuit, ac crudescit: quod nos mirum im-
modum verebamur: tanta temperies præter & temporis &
regionis naturam supra etiam omnium hominū memoriā &
existimationē fuit: vt deus omnipotens tunc nobis italis, qui
romanę temperiei assueueramus, & q̄ leui huius patrię fri-
gore lędi facile poteramus circa merita & miracula serui sui
Casimiri inquirēda laborantibus fauisse, auxiliumq; de alto
misisse proculdubio dinosceretur. Omnes enim lituani illam
temperiem & clementiam aeris nunq̄ olim ibi aut visam, aut
auditam nos ex vrbe Roma attulisse passim asseuerabant.
Quid maius q̄ quod in nocte illa sęlicissima natiuitatis do-
mini nostri Iesu christi nobis euenit. Quū enim vniuersum
clerū & populū vilneń ea nocte in oratiōibus & diuinis lau-
dibus vna nobiscū vigilare per diuini verbi præcones hortati
essemus: quo lumen suum indeficiens in tam ardua re nobis
cōcedere summus author dignaret, omnesq; lubētissimo ani-
mo id suscepissent, ac nobiscū integra nocte, mane q; vsq; ad
meridiē ad varias p̄gentes ecclesias vbi nos ter solēni ritu sa-
crificauimus, ac ter intra sacrificādi solennia de erroribus ru-
thenorū sermonē ad clerū & populū habuimus excubassent
ac laborassent, vix tamen nocte vix mane ipso, quo intentissi-
mum gelu esse sęmp̄ cōsueuit omnibus obstupescētibus fri-

goris aliqd sensimus, aut hyemem esse credidimus: quanq̃
laboris non parū accepimus. Hic vero libeat paulisper seſſos
quiescere, ipsiusq̃ Caſimiri apud ſupremū conditorē gloriā
& cœliſtudinē non iam verbis intexere: ſed animo voluere,
ſpeculari, contemplari, admirari: qui natalium ſplendore cla-
riſſimus: qui diuitiarū potentieq̃ magnitudine præcellens,
virentis adoleſcentieq̃ decore floridus, venuſtate corporis, &
mentis ſublimitate inſignis, bonarū artiū eruditione conſpi-
cuus, providētia, ac probitate, omnibuſq̃ virtutibus orna-
tiſſimus breuem hanc, caducam, & incertam vitam floſcpen-
dere nouit: inanem mundi gloriā contempſit: æternā in cœlo
affectauit, ad veramq̃ ſœlicitatem cōſultius anhelauit: pere-
grinationē hanc cum patria: naufragiū hoc cum portu: labo-
rem hunc cū quiete: mœrorem hunc cū gaudio, mortalemq̃
hanc conditionem cum immortalitate cōmutauit. Addiſcant
eius exemplo & reges, & principes labili huius ſeculi & mo-
mentaneo culmini non fidere: ſed quæ ſuſum ſunt ſapere.
Addiſcant diuites & potētiores terrenas opes, quas cū con-
gregaturi ſint ignorant, deſpicere, indeficiēteſq̃ in cœlo ada-
mare. Agnoſcant adoleſcentiores & formoſiores, quoniam
omnis caro ſcœnū, & omnis gloriā eius tanq̃ floſ agri: quod
hodie eſt, & cras in clibanū mittitur, & veram immortalitatis,
æternitatēq̃ pulchritudinē concupiſcant. Habeant & eruditi
iuuenes quē imitentur: vt bonas artes non ad caſſam oſten-
tationem ſeu vanitatē: ſed ad Chriſti obſequiū adipiſcantur.
Gaudeat inclyta & ſpecioſa Italia: ex qua & litalianica, & lit-
uanica excoeſſa nobilitas vnde Caſimirus oriūduſ eſt, pri-
mœuam accēpit originē. Lætē ampla & ſpatioſa Sarmatia:

Colo. iij

p̃s. 38

Eſa. 44

Matb. 6

quæ omni gelu, omni algore deuicta, omni sui sterilitate superata formosissimā, foelicissimamq; arborē hanc vitæ, suauissimū fructum hunc honoris, & honestatis produxit. Exultet sancta & pia mater ecclesia: quæ illum & filiū in Christo edidit in lucē, & sui strenuū militē celeriori palma e duro vitæ huius certamine triumphatorē in celum transmisiit. Præclara gloriatur Polonia, ex cuius religiosissimis regibus: excelsa gratuletur Lituania ex cuius magnificentissimis deriuat ducibus. Exultet præcipue Vilna insignis ciuitas, quæ illa eius ossa candidissima, illas eius dulces exuias, reliquiasq; sanctissimas in pignus seruat futurę immortalitatis & glorię. Iubilent omnes christianorū ecclesię, pia templa diuinis resonent præconijs: hinc carmina, inde chorus & organa modulentur. Solennibus sacris aras cumulent sacerdotes. Phana supplices adeant, deum colant, & venerent, primores patres, reges terrę, & omnes populi, principes, & quicunq; iudices terrę, iuuenes & virgines, lactentes cū homine sene. Casimirus enim de carnis ergastulo cœli amplitudinē est ingressus, de morte transiuit ad vitam, de profunda lachrymarum valle ad excelsa, & sempiterna gaudia trāsiliuit. Quoniā vero nos, & e nostris pleriq; domesticis fauorem illius & beneficia experti sumus, epithaphium heroicū, & canonicas horas, siue ecclesiasticas laudes, hymnosq; ac sacrificā di seriem in euentum eius in sanctos relationis: quā ab sanctissimo dño nostro Leone decimo pontifice maximo elementissimo, illaq; sancta Romana ecclesia iure æque futurā esse speramus, edidimus, ac pro diuinis ab eo susceptis muneribus voto supplices obtulimus. Miracula deniq; eius a nobis studiosissime cōperta

Psal. cl.

Gen. 52

meritaq; sanctissima, & testiū ac contestiū dicta alio volumine
copiose & fideliter longa serie describuntur. Regnante atq;
impante domino nostro Iesu Christo: qui est benedictus in
secula Amen. Datū Vlnę. xi. kalē decembres anno salutis
millesimo quingentesimo vigesimo: eiusdē vero sanctissimi
dñi nostri Leonis diuina puidencia papę. X. Annō octauo.

EPITHAPHIVM SEPVLCHRO.

Regia progenies iacet hic Casimirus auito
Stemmata, & excelsio virtutū culmine clarus.
Ille deo spretis opibus, rebusq; caducis
Se dedit, & gaudet semper victurus olympto.
Cessit ab humanis in primo flore iuuentæ.
Quisquis ab aduersa premitur valitudine mox vt
Vota dedit tumulo morbo sanatur ab omni.

ZACHARIAS dei & apostolicę sedis gratia episcopus Gar-
dien Sanctissimi in Christo patris & dñi nostri dñi Leonis di-
uina prouidentia papę decimi prælatus domesticus, & refe-
rendarius secretus, ac per vniuersum regnū Polonię, & ma-
gnum ducatum Lituanie, ac Moscouię, omnesq; & singulas
terras mediate & immediate, vel alijs quomodolibet eisdem
regno & ducatibus subiectas cū omnimoda legati de latere
& maioris penitentiarij de vrbe potestate nuncius & orator
christicolis vniuersis salutem, & foelicitatē, ac in die festo diui
Casimiri confessoris iuxta ritum ecclesiarū Sarmatię diuini
cultus seriem.

IN PRIMIS VESPERIS ANTIPHONE.

ps. cxiij. A solis ortu vsq; ad occasum laudabile nomen domini in

seruo suo Casimiro: qui tot tantisque coruscat miraculis.

Psalmus. Laudate pueri.

Collaudate dominū omnes populi: qui Sarmatiam in extremis terrę sinibus sitam suę non destituit lumine veritatis.

Psalmus. Laudate dñm omnes gentes.

Aedificat Hierusalem dominus suscipiens mansuetos, & humilians peccatores usque ad terram.

Psalmus. Laudate dñm quoniam bonus est psalmus.

Beatus cuius deus Iacob adiutor eius, & spes eius in domino deo est: qui erigit elisos, & dirigit iustos.

Psalmus. Lauda anima mea dominum.

Confortauit seras portarū tuarū: o Hierusalem dominus: qui benedixit hodie filio tuo Casimiro in te.

Psalmus. Lauda Hierusalem dominū.

Capitulum.

Beatus diues qui inuentus est sine macula, & qui post aurū nō abiit, nec sperauit in pecunię thesauris. Quis est hic, & laudabimus eum? Fecit enim mirabilia in vita sua.

Responsorium.

Erat regius & pius adolescens Casimirus moribus ornatus angelicis, venustus facie: sed pulchrior religione diuina: quę florida ætate conspicuū dominus ad supernas agni nuptias ab huius sæculi incolatu euocauit.

Versus.

Consumatus in breui expleuit tempora multa. Placita enim erat deo anima illius: quem florida, etc. Gloria patri: Quem.

HYMNVS SAPPHICVS.

aggrega-
sti: quū in
sanctos
relatus
erit. pos-
nas.

L A E T A iucundo resonare cantu
Sī decens vñq̄ fuit ora, nunc est:
Quum tuus viuit generosus heros
Sarmata cœlo.
R oma, quæ sancto numero aggregabis
Iure perspecta probitatis illum
Plaudito: cuius dec̄or ampliatur
Frigida ab arcto.
T erra, quæ brumam patitur rigentem,
Et caret phœbī radio calente
Sentit accensum boream superni
Sydere amoris.
N empe, cui clarum genus, & propago
Regia, exurgens Casimirus ignem,
Quo calet frigus aquilo ministrat
Aethere ab alto.
I gnis est virtus animosa: per quam
Mens in authorem calefacta summum
Nil nisi mundam cupit, & beatam
Degerere vitam.
I lle vix primam tetigit iuuentam,
Quum voluptates renuit caducas,
Et deum coepit studiosus omni
Quærere nixu.
E st deo patri, genitoq̄ dulci,
Ac paracleto imperium perenne:
Qui sub æterna paritate, & vno
Numine regnant. Amen.

Versus. Amauit eum dominus & ornauit eum.

Eccle. xv

Respon. Stulam gloriæ induit eum.

Ad Magnificat. Antiphona.

Fecit magna q̄ potens est in strenuó milite suo Casimiro dñs
dispergens superbos spiritus, & exaltans humiles homines.

Oratio.

DEVS qui per excoelsa beati Casimiri cōfessoris tui merita
senescentem mundū subleuare dignatus es, quæsumus: vt
omnes q̄ eius suffragia expetunt illa se impetrasse lætentur,
Per dominum nostrum Iesum Christum filium tuum.

In nocturnis laudibus Inuitatoriū.

Regem regum Christum, qui beatum hodie in cœlum subli-
mauit Casimiri: Venite adoremus.

P̄s. i. c. iij

Psal. Venite exul. dño.

P̄s. i.

HYMNVS SAPPHICVS.

Nox silens horas tribuit quietas

Carmini, & sacre modulationi.

Ergo cantetur Casimirus amplo

Stemmata cretus.

Regi q̄ fuerint parentes:

Indytum culmen tamen e supremis

Antea longe ducibus recepit

Litalianis.

Namq̄ vulgari serie loquendi

Qui petuerunt ea tecta clari

Nomen heroes itali dedere

Gentibus illis.

Et licet quisq̄ a litui frequentis

Morē contendat Lituaniamq;
Stare, nil obstat: pia gens, & alta
Sanguine Romę est.

Hinc ortus quondam Casimirus, vltro
Fascibus spretis opibulq; auitis
Claudit excoelsis meritis, & almo
Funere vitam.

Praecocem mortem intrepidus subire
Maluit, q̃ se maculare luxu:
Vnde victtricem meruit referre
Aethere palmam.

Est deo patri, genitoq; dulci,
Ac paracletō imperium perenne:
Qui sub aeterna paritate, & vno
Numineregnant. Amen

IN PRIMO NOCTVRNO ANTIPHONAE.

Ps. i. Tanq̃ lignum plantatum, secus decursus aquarum fructum
attulit in tempore suo, & folium eius non defluet.
Psalmus. Beatus vir qui non abiit.

Ps. ij. Nunc reges intelligite, erudimini q̃ iudicatis terram regium
adolefcentem Casimicum & principem inseruisse domino in
timore, & exultasse ei cum tremore.
Psalmus. Quare fremuerunt gentes.

Ps. iij. Dormiuit, & soporatus est, & exurget: q̃a dñs suscipiet eum.
Psalmus. Domine qd multiplicati sunt.

Eccle. xv Versus. Amauit eum dominus, & ornavit eum:
Respon: Stulam glorię induit eum:

¶ Lectiones diuidantur ex vita, & gestis eius.

Responsorium primum.

Pius adolescens Casimirus inter fratres suos, ac si inter gemas carbunculus quidam diuino amore afflatus, ciuitatem hic permanentem se non habere conspicatus futuram quæsiuit non manu factam in cælo.

Versus.

Præterit enim figura mundi huius. Futuram quæsiuit.

1. Co. viij.

Responsorium secundum.

Inter diuites diues, ac potentes principes & ipse princeps transgredi potuit, & non est transgressus, facere mala & non fecit.

Ec. xxi.

Versus. Inuentus enim est sine macula, & post aurum non abiit, nec sperauit in pecuniæ thesauris. Transgredi potuit

Responsorium tertium.

Pueritiâ ipsam & adolescentiâ virtutibus omnibus, ingeniarumque artium disciplinis ita exegit, vt semper & ætate, &

Lu. ij.

sapientia cresceret, ac spiritus domini esset in illo.

Versus. Quum esset iunior, nihil tamen puerile gessit in opere. Vt semper & ætate. Gloria patri: Ac spiritus domini.

Zob. i.

IN SECVNDO NOCTVRNO.

Mirificauit dominus sanctum suum: per quæ tot nobis ostendit

Psal. iij.

mirabilia. Psalmus. Quum inuocarem.

Introiuit in domum tuam domine: adoraui ad templum sanctum tuum in timore tuo.

Psal. v.

Psalmus. Verba mea.

Admirabile est nomen tuum in seruo tuo Casimiro domine: quem gloria & honore coronasti hodie.

Psal. viij.

Psalmus. Domine dominus noster.

Versus. Os iusti meditabitur sapientiam:

Psal. xvi.

Respon. Et lingua eius loquetur iudicium.

Responsorium quartum.

C ij

Lecti molliciem tanq̃ peccandi fomentū quantū cautius poterat furtim effugiens super nudam humum sæpenūmerō quiescebat. Versus. Post solis occubitū Iacob tulit lapides, & supponens capiti suo dormiuit. Super nudā. et̃. vt supra.

Responsorium quintum.

Quāuis innocens & omnis pene peccati expers haberetur tanto tamen cōpunctionis ardore afficiebatur: vt omnis eius vita nil aliud q̃ pœnitentia esset. Versus.

Ps. vi. Lauabat per singulas noctes lectum suum, & lachrymis stratum suum rigabat: Vt omnis eius. et̃.

Responsorium sextum.

Consueuerat silentis noctis medio sancta loca, & sacras ædes nullo aliquando comitatus homine clam visere, & in orationibus frequentissime pernoctabat. Versus.

Ps. cxviii. Media nocte surgebat ad confitendū dño sup iudicia iusticiæ eius: Et in orationibus et̃. Gloria patri. Et in orationibus.

IN TERTIO NOCTVRNO.

Ps. xlii. Operatus est iusticiam, & ingressus est sine macula tabernaculū tuum domine, ac requiescit in monte sancto tuo.

Psalmus. Domine quis habitabit.

Ps. xi. Lætificasti cum dñe in gaudio cum vultu tuo, & desyderium cordis sui tribuisti ei. Psalmus. Domine in virtute tua.

Ps. xlii. Innocens manibus, & mundo corde non accepit in vanū animam suam. Psalmus. Domini est terra.

Ps. cxvi. Versus. Lex dei eius in corde ipsius: Respon. Et non supplantabunt gressus eius.

Euangelium.

Lu. xlii. Sint lumbi vestri præcincti. cum sua omilia,

Responsorium septimum.

Charitas tam diffusa erat in corde eius, tam exundabat exte- Ro. v.
rius in proximū: vt nihil sibi iucundius esset, q̃ cum propria
erogabat: et seipsum Christi pauperibus largiebatur.

Versus. Esurientes alebat, nudisq̃ vestimenta præbebat. Lob. i.

Responsorium octauum. (Et seipsum. et c.)

Quantū regis filius, & sanguinis magnitudine sublimis esset,
nulli tamen quantū uis humili & infimo homini tam cōuer-
sando, q̃ loquendo se difficilem exhibebat. Versus.

Quanto maior es humilia te in omnibus, & coram deo inue- Ecc. iij.
nies gratiam. Nulli tamen.

Responsorium nonum.

Quum aduersa valitudine ad mortem vsq̃ laboraret, eiusq̃
saluti nil aliud q̃ puellæ complexibus succurri posse medici
iudicassent, elegit potius mori q̃ scedari. Versus.

Angustie mihi sunt vndiq̃, & qd eligam ignoro: Sed melius Dani. iij.
mihi est mori q̃ derelinquere legem dei mei. Elegit potius:
Gloria patri: Elegit potius. et c.

AD LAUDES.

Mirabilis in altis dñs: cuius testimonia credibilia facta sunt Ps. xcij.
nimis in suo cōfessore Casimiro. Psal. Dñs regnauit deco.
Introite in conspectu domini in exultatione hodie, & scitote
quoniā dominus ipse est deus: qui tot mirabilia per seruum
suum operatur. Psalmus. Iubilate deo. Ps. xcij.

Memor fuit tui domine sup stratum suum: in matutinis me Ps. lxxij.
ditabatur in te: quia fuisti adiutor meus, & in velamento ala-
rum tuarum sperauit. Psalmus. Deus deus meus.

Benedicite spiritus & animæ iustorū, benedicite sancti & hu- Dani. iij.

miles corde domino. Canticum. Benedicite.

Exultabunt sancti in gloria: lætabunt in cubilibus suis: exultationes dei in gutture eorum.

Psalmus. Laudate dominum de celis.

Capitulum. Beatus diues qui inuentus est sine macula etc.

HYMNVS SAPPHICVS.

Surgit aurorę nitor, & latentem

Delium sensim manifestat: vt tu

Carne deposta Calimire coelsum

Scandis olympum.

Concrepent dulces cytharę, & sonorę

Fistulę æquatis vicibus: choraules

Carmen adiungant, italusq; & omnis

Sarmata plaudat.

Omnis oblitus modo tu doloris

Magne vir cœlo frueris quïeto,

Et supra mundum melioris aurę

Lumine gaudes.

Maïor est longe tibi nunc corona,

Maïor & sceptri tibi cœlstitudo,

Q̃ supra terras dominando posses

Obtiuisse.

Sic potens es tu patriam tueri

Nunc tuam: ne gens inimica fines

Eius inuadat, generiq; nostro

Insidiatur.

Sic potens es tu refecare diras

Hæresum sectas: quibus inuoluta

Magna pars huius populi obligatur

Ignibus atris.

Pelle de nobis Casimire pestem |

Hanc tuis ergo precibus trahendo

Ad pium Romæ gremium cateruas

Schismaticorum.

Est deo patri genitoꝝ dulci,

Et paraclete imperium perenne:

Qui sub æterna paritate, & vno

Numine regnant. Amen.

Versus. Iustum deduxit dominus per vias rectas.

Sapi. 1.

Respon. Et ostendit illi regnum dei.

Antiphona.

Visitauit nos oriens ex alto lumē: quo illuminātur hī qui, in
tenebris, & vmbra mortis sedent ad dirigendum pedes no-
stros in viam pacis. Canticum. Benedictus dñs deus.

Lu. 1.

Oratio. Deus qui per excelsa beati Casimiri. &c. vt supra.

Ad primam Antiphona.

In via testimoniꝝ tuorū dñe delectatus est sicut in omnibus
diuitijs. Ad tertiam antiphona.

Ps. cxviii

Leuauit manus suas ad mandata tua domine, quæ dilexit, &
exercebatur in iustificationibus tuis.

Ps. cxviii

Ad sextam Antiphona.

Dilexit mandata tua domine super aurum & topatium, &
omnem viam iniquam odio habuit.

Ps. cxviii

Ad nonam. Antiphona.

Cōcupiuit salutare tuum dñe, & lex tua meditatio eius fuit.
Viuēt ideo anima eius & laudabit te: quoniā pax multa dili-
gentibus nomen tuū deus noster.

Ps. cxviii

C iiii

IN SECVNDIS VESPERIS ANTIPHONE.

Psalm. cix. In sanctis, & electis hominibus dominus implebit ruinas rebellium spirituum: quorum capita in terra conquassauit.

Psalmus. Dixit dominus.

Magna opera domini in seruo suo Casimiro: per quæ assidua prodigia ostendens memoriam facit mirabilem suorum.

Psalmus. Confitebor tibi dñe.

Ps. cxj. In memoria æterna erit iustus: ab auditione mala non timebit.

Psalmus. Beatus vir qui timet dominum.

Ps. cxij. In altis habitans dominus humilem respicit: ut collocet eum cum principibus populi sui. Psalmus. Laudate pueri dñm

Ps. cxvj. Confirmata est super nos misericordia domini in sancto suo: in quo veritas eius manet in æternum.

Psalmus. Laudate dominum omnes gentes.

Capitulum. Beatus diues, ut supra in primis vespers.

HYMNVS SAPPHICVS.

Nox redit terris abeunte phœbo,

Et tuis mandat Casimire finem

Laudibus poni modo (namq; fessa

Carmine lingua est)

Mira quæ fiunt hodie frequenter

E tuis membris referunt patenter

Qualibus prestas meritis, & alto

Culmine cælo.

S i tuum nomen petat, & iuuamen

Redditur languens sine spe, saluti:

Claudus incedit, videt impetrato

Lumine cæcus.

Surdus auditum recipit: loquelam
Mutus: arreptus styge liberatur:
Mortui vitæ (noua res, & ingens)
Restituuntur.

Sic suam Christus dedit esse notam
Sarmatis per te dominationem:
Qua polo, & terræ, residique aerno
Imperat omni.

Est deo patri, genitoque dulci,
Et paracleto imperium perenne:
Qui sub æterna paritate: & vno
Numine regnant. Amen.

Versus. Iustum deduxit dominus per vias rectas:

Sapi. 1.

Respon. Et ostendit illi regnum dei,
Antiphona.

Gaudeant omnes christianorum ecclesie: pia templa diuinis
resonent præconijs. Hodie Casimirus de carnis ergastulo
cœli amplitudinē est ingressus, Hodie de morte transiuit ad
vitam. Exultet spiritus noster in deo salutaris nostro.

Lu. 1.

Canticum. Magnificat.

Oratio. Deus qui per excelsa beati Casimiri etc. vt supra.

MISSA DIUI CASIMIRI CONFESSORIS.

INTROITVS.

IN MEMORIA æterna erit iustus: ab auditiōe mala non
timebit: Confirmatū est cor eius, nō comouebit in æternū.

ps. 111.

Psalms.

Beatus vir qui timet dominū in mandatis eius cupit nimis.

Gloria patri. In memoria æterna erit iustus. etc.

ORATIO.

Deus qui per excelsa beati Casimiri confessoris tui merita senescentem mundum subleuare dignatus es quesumus: vt omnes q eius suffragia expetunt illa se impetrasse letentur, per dominū nostrum. etc.

Lectio libri sapientie.

Sapi. iiii. Iustus si morte preoccupatus fuerit in refrigerio erit. Senectus enim venerabilis est non diuturna, neq; numero annorū computata. Cani enim sunt sensus hominis, & ætas senectutis vita immaculata. Placens deo factus est dilectus, & viuens inter peccatores translatus est. Raptus est, ne malitia mutaret intellectum eius, aut ne fictio deciperet animam illius. Consumatus in breui expleuit tempora multa. Placita enim erat deo anima illius. Propter hoc properauit illum educere dñs de medio iniquitatu: quoniā gratia dei, & misericordia est in sanctos eius, & respectus in electos illius.

Graduale.

ps. xi. Desyderium animę eius tribuisti ei dñe, & voluntate labiorū eius non fraudasti eum. Vitam petijt a te, & tribuisti ei longitudinem dierum in sæculum, & in sæculum sæculi.

Versus.

Posuisti domine super caput eius coronā de lapide precioso.

¶ Quia hic dies festus semper erit in quadragesima.

Tractus.

ps. j. Beatus vir qui in lege domini meditabitur die ac nocte. Erit tanq lignum quod plantatum est secus decursus aquarum: quod fructum suum dabit in tempore suo. Et folium eius nō defluet, & omnia quęcunq; faciet prosperabuntur.

METRVM IAMBICVM.

DAT Calimiri lucida

Dies cupita gaudia

Et italis, & farmatis,

Accēpit vnde originem.

Deregix propaginis

Decorus almo stemmate

Fluentis huius saculi

Derisit ille gloriam.

Illi iuuenta florida

Erat, potestas maxima;

Et carnis impudentiam

Viriliter compescuit.

Erant opes amplissima:

Erat facultas plurima:

Auri tamen peculia;

Cupidinemq; respuit.

Venustus ille corpore

Fuit, loquela, gestibus:

Sed inclytis virtutibus

Fide, spe, amore pulchrior.

Noctu latenter excubans

Orationi sedulus

Erat, deoq; deditus

Colebat alra sydera.

Amicus ille pauperum,

Et orphanorum gaudium,

Solatiū gementium,

Portus periclitantium.

Mori magis, q̄ transgredi
Pudicitatis limitem
Delegit, vnde calibem
Palmam recepit a there,
Tu puritatis lilium
Supra nitores syderum
O Casimire splendide
Tuæ memento patriæ
Tuum genus defendito
Contra furores bellicos,
Contra scytas, & impias
Sectas, & atra schismata.
Amen.

Euangelium secundum Lucam. C. XII.

In illo tēpore dixit Iesus discipulis suis. Sint lumbi vestri præcincti, & lucernę ardentes in manibus vestris, & vos similes hominibus expectantibus dominū suum quando reuertatur a nuptijs: vt cum venerit & pulsauerit confestim aperiant ei. Beati serui illi: quos cū venerit dñs eius, inuenerit vigilantes. Amen dico vobis, q̄ præcinget se, & faciet illos discubere, & transiens ministrabit illis. Et si venerit in secūda vigilia, & si in tertia vigilia venerit, & ita inuenerit, beati sunt serui illi. Hoc autē scitote: quoniā si sciret pater familias quā hora fur veniret vigilaret vtiq̄, & nō lineret pfodi domū suam. Ideo & vos estote parati: quia quā hora nō putatis filius hominis venire.

Offertorium.

ps. xcj Iustus germinabit sicut lilium & florebit in eternū ante dñm.

Secreta.

Tibi dñe (supplices deprecamur) accepta sint munera: quę in
festiuitate beatī Casimiri confessoris tui offerimus in memo-
riam passionis filij tui dñi nostri Iesu Christi: qui tecū viuit.

Communio.

Beatus ille seruus: quē cum venerit dñs inuenerit vigilantē. Lu. iij.

Amen dico vobis super omnia bona sua constituet eum.

Postcommunio.

Da quęsumus omnipotens deus: vt sacris epulis resecti in-
tercedente beato Casimiro cōfessore tuo ad illud quod prę-
serunt æternitatis conuiuiū ptingere valeamus: per dñm. etē.

Datū Vīnq. XL. Calēn. decembres Anno salutis M.D.XX
Pontificatus sanctissimi in Christo patris & domini nostri dñi
Leonis diuina pudentia papę decimi Anno octauo.

Processus mandati apostolici, intimationes, citationes, moni-
tiones, tractatus, sermonesq; habiti ad clerum & populum,
ieiunia, supplicatiōes, ordoq; & solennitas seruata ab eodem
Reuerendissimo dño Legato in pergrendis gestis & mira-
culis beati Casimiri: interrogatoriā quoq; ac responsa & di-
cta testiū, & cōtestium, eorū insup promulgatiōes, terminiq;
ad opponendum præfixi, & inquisitionis conclusio alio volū-
mine longo schemate scripta sunt, & eiusdem Reuerēdissimi
Legati sigillo clausa, & obsignata: quousq; per beatissimū, &
sanctissimū dñm nostrū Pontificem maximū aperiantur.



Psal.
cxviij.

Faciem tuā illumina super seruū tuū dñe & doce me iusti, tuas.

ORATIO REVERENDISS. PATRIS ZACHARIAE
FERRERII VICENTINI PONTIFIGIS GARDIENSIS
IN POLONIAM ET LITVANIAM LEGATI APO-
STOLICI HABITA THORVNII IN PRVSSIA
AD SERENISSIMVM POLONIAE REGEM
SIGISMVNDVM PRO EODEM REGE
ET MAGNO PRVSSIAE MAGISTRO
APOSTOLICA AVTHORITATE
INVICEM RECONCILIANDIS.

DVM IPSE COGITO & mecū animo voluo Sigismunde
Rex amplissime quem modo principem allocuturus sum
propono mihi sublimiū tuarū virtutum fastigia, excelsas do-
ctes: quibus omnipotens rerum author prę varijs principi-
bus te excellentius insigniuit. Pono ante oculos hanc tuam
pene diuinam maiestatem, formamq; præstantissimā, magni-
tudinē animi tui: consilij gravitatem: rerū experientiam:
amplitudinē: munificentia: iustitię cultum: providentiā in te
summam: religionem maximam: quæ passim circumferunt,
& circūquaq; prædicant. Recenseo quoq; vetustissimā illam
sanctissimamq; familiam tuam Casimiram, quæ veluti quod-
dam singulare, præcipuumq; munus ab summo opifice, mor-
talibus concessa est: quo sit vt clarissimū conspectum tuum:
regiamq; præsentiam non modo non magnopere speculari,
verum etiā nō satis admirari possim. Non minus etiā me-
cum pensito quo dicendi genere te alloquar, an illa rhetori-
ces facundia: quę sensum auresq; demulcet, an illa oratorię
virtute, quæ mentem potius animumq; oblectat, excitat, &

impellit. Videorq; mihi, q non tantum christianam religionē,
 sed & apostolicam perfectionem, vt pontifex, profiteor satius
 imitari vas illud electionis beatissimū apostolum: qui ad Co-
 rinthios scribens aiebat: Veni ad vos non in sublimitate ser-
 monis, neq; in persuasibilibus humane sapientie verbis: sed
 in virtute dei & spiritu. Habeant humane sectatores elo-
 quentis quos imitentur Demosthenem: Ciceronem: Salu-
 stium. Habeo ego sacerdos Christum: habeo diuos aposto-
 los: habeo sacros ecclesie doctores, & mei ordinis pontifices
 celebratissimos. Loquar ergo non vt rhetor: sed vt pontifi-
 cem decet, vt decet sacerdotē, vt decet dei ministrū. Non la-
 tet tuā maiestatem Rex potentissime, exploratūq; omnibus est
 septimum actum esse annum: quo iactatis dudum inter chri-
 stianos principes dissidijs tota ferme Europa atrocissimis
 bellis vehementissime cōcutiebatur, & astuabat. Feruebat
 Italia: ardebat Germania: flagrabat Hispania: Gallia fluctua-
 bat: Anglia excandescibat: vnde & (quod fari doleo) tanta
 christiani sanguinis effusio secuta est: vt recte dauidicū illud
 memorari posset: Effuderunt sanguinem eorū, tanq; aquam
 in circuitu Hierusalem, idest militantis ecclesie, & non erat q
 sepeliret. Aeterna dei sapientia: que iuxta sacrum eloquium,
 attingens a fine vsq; ad finem fortiter disponit demū omnia
 suauiter, non pmittensq; iuxta eundē apostolum, nos tentari
 supra id quod sufferre possumus, facit cū tentatione prouen-
 tum, vt possimus sustinere, cupiens tot cladibus, tot calami-
 tatibus christianorum benigne occurrere Ioannē Medicem
 Leonem decimum appellatum, non labe aliqua: non vi: non
 arte: non astu: non humano ingenio: sed sola sancti spiritus

i. Corin. ij

p. 22

Sapi. viij

i. Corin. x

gratia ad summū pontificatus apicem de tot millibus homi-
num, vnum delegit: q̄ veluti angelus pacis, fluctuantē eccle-
siam, & christi cymbam pacaret: velutiq̄ salutaris medicus
languescenti diu christianę reipublicę opportunum medica-
men adhiberet. Quod & beatissimus antistes inito mox pon-
tificatu, omni studio, omni solertia, omni sagacitate efficere
curauit (& effecit quidem). Tercius annus nunc agitur, quo
Selinus turcarū imperator, & christiani nominis acerrimus
hostis quasi gladius quidam ceruicibus christianorū immū-
nere videbat. Animaduertens sanctissimus pontifex ad tan-
tum exitiū cōpescendum, nullum efficacius superesse re-
medium: q̄ diuinum imprimis p̄sidiū implorare sanctissi-
mas ad cēlum tollens manus ieiunia, ad deumq̄ optimū mā-
ximum supplicatiōes pontificibus, sacerdotibus, senatui, po-
puloq̄ Ro. p̄cepit: easq̄ deprecationes, quas gręco voca-
bulo litanias appellant frequentari mandauit: inter quas ip̄-
semet nudis etiam pedibus per aliam urbem incedere non
est dedignatus. Et ne humanā quoq̄ operam paruipendere
videretur, cōplures quā pontificij, tum cardinei ordinis pa-
tres celeberrimos ad varios christianorū p̄ncipes, ad varias
nationes oppido expeditiuit: quo si quas inter eos simultates
forte exoriri metuebatur ad eas siue iure, siue armis deci-
dendas, quinquennale interuallum interponeretur, dilatoq̄
omni bello cōmunes christianorū vires, cōmunisq̄ potentia
in cōmunem religionis hostem conciliatis animis conuerter-
rentur: necessarius ad id colligere ē numus: generalisq̄ con-
tra impium tyrannum expeditio: quā cruciatam nostri vo-
cant: vbi libet vulgare ē: quod & pro sua maxīma integritate

facile obtinuit, sanctiōibusq; & p̄ceptis apostolicis, ac inter
 minationibus ecclesiasticis contra violatores stabiliuit, atq;
 firmavit. Posuit enī pacem fines ecclesie, & dulci illam tran-
 quillitate potiri fecit. Iam pace fruitur Italia: Iam gescit Ger-
 mania, Gallia, Hispania, Anglia, in totoq; christianorū ambitu
 iucunda concordia arridet. Vnus superest de quo cum chris-
 tiano p̄ncipe congressus expauescebat (tu scilicet Rex am-
 plissime) quem quū ipse Romanus pontifex ad eas intermit-
 tendi belli quinquennales inducias capefcendas crebris ep̄-
 stolis dudū exhortari ac monere non destiterit noluit quoq;
 p̄termittere, quin & nuncijs, & oratoribus inuiferet & salu-
 taret, ad idq; faciendum plurimū suaderet, hortaretur, & ad-
 duceret: quod ita accurate mandauit: vt etiā nō sine lachry-
 mis pro boni pastoris officio, quum digrederemur id nobis
 creberrime repetierit. Pacem caiebat, atq; iterabat sanctissī-
 mus antistes, quum postremū ad te accedendi ab eo manda-
 tum habuissemus, sacrosq; de more oscularerur pedes) pa-
 cem: quā christus deus & legis noster nobis suo testamēto
 legauit: charissimo filio nōstro Sigismundo Polonię Regi
 illustri commissam facite: ad pacem cum christiano p̄ncipe
 perquirendā nostro iussu monete, & animate: utq; illam quā
 de ipsius comprobata religione hæc sancta sedes, cui p̄sidi-
 mus, spem iamdudum concepit, nequaquā cassam, irritamq;
 efficere velit nostro nomine dicite. Sed quoniam interea
 dum ad tuam maiestātē noster ab urbe accingebat discessus
 ignaro pontifice ignaris nobis id quod verebatur euenit, si
 primum ad illud quinquennale interuallum amplectendum
 te enixe rogare oportebat, nūc quādoquidē malum irrepfit,

magisq; ac magis quotidie inualefcit non tantum enixē, non
modo enixius, verum etiam enixissime precari, ac supra hu-
manum modū interpellare necesse est. Diuus itaq; Leo pon-
tifex maximus: qui dei, & domini nostri Iesu Christi vices gerit
in terris: cui datę sunt clauēs super cōelestis atrij, ac summę
fōlicitatis: q̄ aperit & nemo claudit: claudit & nemo aperit;
cuius pedibus omnia inferiora subiecit deus: cui Cęsares,
reges, & omnes populi, principes, & omēs iudices terrę sup-
plicia colla summittunt a suo pontificio solio nos ad te prin-
ceps religiosissime delegauit, postq; paternos complexus, ac
āternam salutem te sanctissimū fōelicissimumq; optans: vt a
christiani sanguinis effusione tuos milites abstinere iubeas,
& eam quę christianū principem deceat concordia ample-
ctaris postulat, efflagitat, monet, mandat, rogatq; (pro sua be-
nignitate maxima) ac precatur. Nec propterea ab iustissimo
pontifice tibi forte persuasum arbitreris: vt honestum tui de-
corem, æquum cōmodum, ac tui regni iura postponas: quę
sicuti is qui tibi supra modum afficitur, augere potius sua au-
thoritate decerneret: sed vt eam quę iusto decori tuo: quę
iuri regni tui: quę cōdignę idēnitati tuę cōducat, siue pacem
siue transactionē cū hoste in eas: quod & vñlle nō minus effi-
ciat omnem operam nauabit pontifex: nosq; pro credito no-
bis munere, ac virili nostra nusq; neglecturi sumus. Sicuti em̄
vt sanctissimo principi nostro, ac sanctissimę sedi a qua le-
gati sumus obtemperaremus, proq; cōmuni & vicaria inter
te & Albertum militaris ordinis sanctę Marię Theutonicorū
magnum & generalem magistrū, ac marchionem brande-
burgensem illustrem, christianos principes, super rebus.

pruthenicis pace ac concordia interponenda, aduersusq; re-
 ligionis hostes ad cundo certamine tuā adiremus sublimita-
 tem Romanæ vr̄bis sanctitudinem, spiritualesq; delicias, stu-
 diorum nostrorū dulcedinē, amicorū (quibus affuebamur)
 iucunda cōmertiā: quietem: patriam: agnatos: ipsaq; omnia
 priuata cōmoda deseruimus: hybēni tēporis inclementiam:
 itineris prolixitatem: viarū difficultates, ac pericula: cœli rigi-
 ditatem: ipsius quoq; nobis insuetam borealis & sarmaticæ
 regionis asperitatem, demū iacturas omnes, omniaq; discri-
 mina floccipendimus, sic & dum cōmuni paci, cōmunīq; ben-
 uolentię consulatur, nequaquā desuturi sumus, quin & (vt apo-
 stolicum illud imitemur) exhibebimus corpora nostra, hostiā
 viuētem sanctā, deo placentem, rationabile obsequiū no-
 strum: quod & tanto magis a te faciundū est: q̄ cū longe im-
 pari certamen tibi sit, & eo minus proculdubio ineundum, q̄
 ille tibi e dulcissima sorore nepos existat: a quo iniuriā vllam
 armatus etiā agnoscere vix debeas, ergaq; illum & ætate
 & potentia tibi admodū inferiorē, non modo vt auunculum,
 sed & veluti patrem, veluti tutorem, velutiq; studiosissimū
 fautorem, te ipsum Rex sapientissime gerere potius deceat:
 nec te fugiat adagium illud, gloriosius longe esse facere re-
 ges, & principes q̄ subijcere. Enimvero quæ tibi gloria: quis
 decor: quæ palma: si nepotem tu auunculus & pater, debi-
 lioremq; supra modū opibus & potētia hostem tu princeps
 potentissimus incomparabili exercitu obrueris, & sicut tibi
 facillimum est (vt ita dicam) in nihilum redegeris, videarisq;
 apud plerosq; in ea controuersia, quæ iure potius, q̄ armis
 sedanda esset viribus & non legibus vtī: Per tuum regnum.

per illud insigne diadema quo regium caput tuū lustratur:
per sceptrum illud quo regia manus tua redimitur: per sua-
uissimam prolem tuā: per illum diuę memorię Casimirum
germanum tuū pientissimū: per illam obseruantia summam,
qua christianam prosequeris religionem: per illum omnipo-
tentem dñm rerum omniū opificem, qui te sua prouidentia
ad regium apicem sublimauit: per eius deniq; coeternū ver-
bum, & consubstantialē filium, qui pro tua salute princeps
optime de summo cœli cardine descendere, carnem sumere,
& mortem subire dignatus est, te supra id quod dici, quod
excogitari possit rogamus, precamur, obsecramus, obtesta-
mur: vt pacatis iam vndiq; christianis principibus, christiano
quoq; sanguini gladius tuus parcat, ignoscat, indulgeat, & in
impíos catholicę vnitatis inimicos conuertatur, ab eo quoq;
bello abstineas, a quo te & diuinę & humanę ratioēs dehor-
tantur. En quod non sine vehementi fletu effari possumus,
innocuus effunditur sanguis: tremulus senex, & gembunda
anus absq; noxa interficiunt, vagientes in cunabulis, in sinu
matrum sugulant infantes: miserrimę trucidant matres, co-
ram parentibus filij, coram filijs parentes interimunt, necan-
tur, obtruncantur, nec parcitur generi, nec ordini, nec ætati,
nec sexui (ita in omnes absq; insontis delectu effrenus effere-
bet miles, & cruentus gladius debacchatur) Eia surge Rex
gloriosissime, accingere gladio tuo super semur tuum poten-
tissime contra exleges agarenos, contra perfidos hæreseos
æmulatores, intende prospere, procede, & regna. Propter
enim veritatem, & mansuetudinē, & iusticiam deducet te mi-
rabiliter dextera tua. Sagittę tuę acutę: populi sub te cadent.

Haud enim parum (nō modo christianę religioni) sed & tui,
& proprio cuiuslibet regni incremento conducere, si iactura
ras, quas non multos annos citra ipsa religio passa est tecum
nostri principes (quādoq; saltē) excogitarēt, idq; quod ad rei
privatę curam studium apponunt ad publicum cōmodum
& cōmunem gloriā adhiberent. Quod si tu princeps au-
gustissime pro tua clementia, pro tua religione (vti roma-
nus pontifex de te sibi pollicetur) efficies, tantū tibi accedet
ad gloriā, vt nihil sublimius, nihil prestantius accedere possit.
Ipse sane summus sacerdos animo tenens assiduas pugnas,
quas contra verę pietatis emulos, q; in circuitu tuo sunt, quo-
tidie geris, frequentissimosq; triumphos ac singulares pal-
mas, quas adeptus es, illam insuper venerationē maximā,
qua sanctam Romanam ecclesiam observare destitisti nunq;
tanta dilectiōe, tanta gratia, tanta beniuolentia, tam paterno
amore maiestatem tuā complecti, tam deniq; tuę summę
probitati propicius est: vt nihil supra possit: siq; in ineundo
cum principe christiano nepote tuō illustri fœdere, pace,
ac concordia clementissimi pontificis mentem, iussaq; ac
monita paterna capefcere decreueris, nihil sit quod optare
velis: quod & ab ipsa pontificia amplitudine facile, non asse-
quare. Si vero hac lis impresentiarū mutua vestrum recon-
ciliatiōe tolli nō possit, suspendatur saltem eousq; quo a bea-
tissimo pontifice, sanctaq; apostolica sede, quę vnicuiq; iusti-
ciam exactissime ministravit semp, maturo consilio definita.
Non enim est nouum, aut recens tuę regię sublimitati Rex
sapientissime, suprēmū omnīū christianorū pontificem a deo
optimo maximo summa illa puidētia mortalibus esse con-

cessum, non ut quiescat: sed ut inuigilet, & sollicita semper, &
studiosissima mente, quæ Reipublicæ nostræ conducant, ex
suo sublimi fastigio speculetur. Vnde dominus ad eum per
Ezechielem ait, Speculatorem dedi te domui Israel: audies
de ore meo verbum, & annuntiabis eis ex me: & per Hieremiam:
Ecce cōstitui te super gentes, & sup regna: ut euellas,
& destruas, & disperdas, & dissipes, & ædifices & plantes: &
Paulus apostolicam designans sedulitatē inquit. Qui præest,
in solitudine, & præter illa quæ intrinsecus sunt, instantia
mea quotidiana, sollicitudo omniū ecclesiārum. Curarū igitur
mōlibus angi, inquietari, sollicitari, vigilare, ac nocturnas etiā
custodias super gregem suū habere omni pontifici (Romano
præsertim aliorū principi) ita propriū est: ut quāto magis his
exerceat, tanto & verius pontifex existat. Sicuti enim quod
propriū est ipsa quisq; natura optare consuevit, ita & san-
ctissimo pontifici optabile, & iucundū erit pro cōmuni inter
te, & nepotem tuū christianos principes pace & cōcordia
conciliandis huius causæ sarcinam sacris humeris suscipere,
ac pro imminentibus rei christianæ discriminibus seposita
omni requie celerius aut soluere, aut componere. Nec maxi-
mas quantūcumq; curas alias, & sollicitudines pontificem ali-
quorsum ab hac causa, vtrumq; ardua, quin non citius extri-
cet deterrere, seuocare, aut impedire formides Rex inui-
ctissime: quū eiusmodi, & longe maioribus inter principes
enodandis quæstionibus assueuerint Romani pontifices, ni-
hilq; hoc labore iucundius, preclariusq; ob publicam vtilita-
tem apud eos existimari merito possit. Sane exorta olim in-
ter Carolum magnum, & Pipinum iuniorem fratres Caroli

Eze. iij.

hier. i.

Ro. xij

ij. Co. ij.

Zacha. papa. Martelli filios super francorū regno, alij sue prouintijs graui
 contentione Zacharias Romanus pontifex non modo hanc
 disceptationē suā sentētia explicuit: verum & regno, & pro-
 uintijs ipsi ob Caroli magni ignauitā Pipino adiudicatis Ca-
 rolum ipsum pro cōmuni inter eos pace monasticam vitam
 eligere sua autoritate ac p̄suationibus effecit, Chilpericoq;
 rege ob eandē desidiā a regno deiecto francigenas omnes
 ab fidelitatis iuramento, quo illi astringebant̄ absoluit. Sub-
 orta non multo post ab Constantino, & Leone eius filio im-
 peratoribus afferendū auxiliij Romanę ecclesię difficultate;
 quę tunc ab Aistulpho longobardorū rege opprimebatur,
Steph. ij. Stephanus secundus Romanus Pontifex quo huic malo sa-
 tius succurreret eam causam hac sententia absoluit: vt in la-
 tinos translato a gręcis imperio, Carolum magnū Pipini filiū
 ad imperij apicem prouehere quem & Stephano ab huma-
 nis dudū erepto nata super ea re inter christianos principes
 ambiguitate, **Leo. iij.** Leo tercius pontifex maximus imperatorem
 (nō modo declarauit) sed & imperiali diademate insigniuit,
 a quo & vsq; ad hęc tempora a gręcis ad latinos translātū est,
 & p̄manet imperium. Dum inter se Ludouicus cognomen-
 to pius & Lotharius filius (Ludouico ipso etiam in vincula
 coniecto) de imperio decertarent Stephanus eius nominis
Ste. iij. quartus Romanus pontifex Ludouicū e custodia ereptum
 imperatorem creauit, & apud aūrelianos inunctum coronā-
 uit, **Sergi. ij.** Sergius secundus pontifex maximus miserandam ac cru-
 entam illam inter Lotharium imperatorem, & Ludouicū, atq;
 Carolum fratres de regno Aquitanie controuersiam missis
 co-legatis, diuisoq; regno suo arbitrio cōposuit atq; sedauit.

Paschalis secundus pontifex Romanus, quum ob nonnulla
 christianorū schismata inter principes de feudis, atq; homa-
 gijs quæstio haberetur conuentu apud Guardacastellum in
 agro cremonensi habito, vnicuiq; quod suū erat decernens
 eam omnē controuersiam amputauit. Calistus itidem secun-
 dus omnes contentiones sua sententia, atq; imperio abstulit:
 quæ inter Guilelmum Apulię ducem, & Iordanū Campanię
 comitem, ac alios Italię insignes principes sauebant. Inno-
 centius etiam secundus maximus pontifex implacabile illud
 bellum, quod inter pisanos & genuenses super re nauali &
 terris pluribus habebatur facto iudicio sua autoritate com-
 pescuit, & acrem inter electores discordiam de Lotharij, &
 Conradi ad imperium prouectione declarato ac coronato
 Lothario explosit, Urbanus eius nominis tertius, & post eū
 Gregorius octauus, & Clemēs tertius, ac Celestinus iij. eam
 disceptationē, quæ inter Philippum francorū, & Ricardum
 Britannię reges, contra saracenos in Asia dimicantes super
 terrarum diuisione tunc exorta erat, suo arbitrio extinxere.
 Innocentius tertius mortuo Henrico dissidentibus electori-
 bus, nonnullisq; Philippum Sueuię principem & Heturrię
 ducem, nonnullis autē Othonem romanorū regem & Sa-
 xonię ducem ad imperiū eligentibus, destinato mox in Ger-
 maniam Legato, Othonem imperatorē declarauit. Clemens
 quoq; quartus controuersias diuturnas, quæ super finitimis
 terris inter Henricū Britannię regem, & Simonē Montisfor-
 tis comitem, & deinde inter florentinos & senenses inter-
 cesserant data sententiā rescuit, atq; amouit, Benedictus duo-
 decimus, & Clemēs sextus romani pontifices ab Ludouico

Pascha.ij.

Calistus
ij.

Inno.ij.

Urb. iij.

Greg. viij.
Ric. iij.
Cele. iij.

Inno. iij.

Cle. iij.

Bene. xij
Cle. vi.

Bavaro imperij fascibus abrogatis, atq; de Mediolani & totius
us Insubriae dominatu, cui adiudicare, durante contentione
quousq; suo decreto questio tolleretur Luchinum & Ioannē
archiepiscopum vicecomites, illius prouintie vicarios pontifi-
cia autoritate assignarunt, & cōfirmarunt, Clementisq; ip-
sius mandato electores Carolum Ioannis Boemie Regis filiu
um ad imperij apicem delegere. Innocentius quoq; sextus
(vt plerosq; alios pontifices breuitate omittamus) venetos
& genuenses diu inter se maritima pugna acerrime dissiden-
tes, pisanosq; & florentinos sup limitibus & vicinis terris in-
uicem decertantes assignato cuiq; quod suū esset a bello des-
istere, & pacem inire coegit. Pontificis igitur iudiciū, nec tu
Sigismunde Rex pijsime, nec Albertus inclytus nepos tuus,
& magnus Prussie magister, in hac cōtrouersia vllatenus eui-
tare, aut honeste declinare potestis: quādoquidē & ad illum
causę huius cognitio pertineat, & longe maiora, ac grauioris
momenti christianorū principum dissidia & super regnis, &
Romano imperio contentiones Romani pontifices Christi
dei ac principis nostri veri in terra vicarij intermisso bello, &
suspensis armis definierūt, sententiamq; sua pontificia maie-
state ac decreto roborarunt, & obfirmarunt. Nec illos princi-
pes imitari debes: q armis atq; potētia ius sibi dicere, facereq;
consuevere: sed eos qui pijs: qui religiosi: qui christianū & in-
noxium sanguinē terris omnibus & regnis anteponentes nō
tumultu bellico, non militari manu: sed iure, atq; sanctorum
patrum decreto, siue arbitrio, quod suum esse censebant per-
quisiuere, & adepti sunt, Christi q; veraces cultores, & chri-
stianę pacis obseruatores cōstantissimos seipsos exhibere.

Hanc tuis excoelsis virtutibus, & rebus gestis, hanc tuis sublimibus preconijs laudē quoq; adijce Rex gloriosissime. Hanc in te pietatem erga deū optimū, hanc in te erga christianam tranquillitatē clementiam, hanc in te erga romanam ecclesiam insignem venerationem ostendas, atq; illam in te speculetur, in te admiretur, de teq; concionetur, & declamet christianus orbis vniuersus. Hoc de tua augustissima probitate sanctum: religiosum, piumq; & egregiū facinus Sigismunde chartis inscribatur, perpetuisq; annalibus commendetur, ac Sigismūdo Sarmatię Regi inuictissimo nihil ad gloriam deuisse dicatur: qui omnem in re pruthenica causam suam: vt christiano sanguini parceret: vt christianis rebus consulere princeps religiosissimus in arbitrium, ac censuram beatissimi Leonis decimi Romani pontificis supplex & venerabundus reposuit, christianisq; principibus omnibus (vti ea tēpestate annis, & atate pater erat) ita & se eis religionis, & pietatis, omniumq; virtutū exemplar reliquit. Quod vt facias omnis & diuina & humana ratio expostulat, nosq; princeps optime vōis omnibus obsecramus, quum & ipse reuerendissimus & illustris magister hoc idem nec detrectare nec refugere possit. Ceterum vt religioni, tuisq; probatissimis votis satisfaciat pontifex, pię memorię Casimirum germanū olim tuum dulcissimū sanctissimę vitę meritis, ac miraculoz virtute preclarū in sanctorū cathalogum referre cupiens nobis accuratissime mandauit: vt de eius sanctimonīa, integritate, ac mūditiā, gloriosisq; miraculis actitata hucusq; monimēta mature perspiciamus, omnesq; ad id necessarias agamus inuestigationes: quas & scripto redactas ad ipsum beatissimū

antistitem, sacrumq; S. R. E. senatum vel nobiscū afferamus,
vel transmittamus. Ad quod opus tanto nos omni corde
promptiores accingimus, quāto & mirabilis, magis est deus
in sanctis suis. Hęc sunt Rex clarissime, quę celsitudini tuę
apostolico iussu significanda suscepimus. Nonnulla quidem
alia, fidei nostrę credita habemus: quę pro christianę reipub-
licę incumbētibus rebus Pontificis mandato, quū tibi in-
iucundum nō erit semotis arbitris aperiemus. Dixi.

NONO CALEN. MARTIAS.

M. D. XX.

PONTIFICATVS SANCTISSIMI
IN CHRISTO PATRIS LEO,
NIS DECIMI PONTIFICIS
MAXIMI ANNO VIII.

EIVSDEM REVERENDISS. PATRIS ZACHARIAE
Pontificis Gardien Legati apostolici ad serenissimū Poloniæ
Regem Sigismundum pro belli pruthenici suspensione ac
armorum depositione impetrata, gratiarū actio.

ET SI POTIVS OPTASSEM de perpetua inter te
& Albertum Prussię magistrū facta reconciliatione ac pace
inita (si datū esset) eternas deo opti. maxi. tibiq; Sigismūde
Rex potentissime gratias agere: pro cruento tamen hoc &
diuturno bello a te saltem intermisso eas nequaquā pretermi-
tendas esse censeo, quandoquidem tu princeps clementissi-
mus christiāe cladis misertus sanctissimi Leonis decimi an-
tistitis maximi paterno consilio ac imperio pontificio parere
pro innata tibi religione nō recusasti. Ampliore profecto ac
iucundiore gaudio letari decuisset: si omni pene christiano
orbe pccato hanc quoq; habitabilis terrę extremitatem ab
omni belli suspitione ac periculo immunem cōspicaremur,
illudq; dauidicum: quod quotidie ore versamus: Venite &
videte opera domini quæ posuit prodigia super terram aue-
rens bella vsq; ad fines terrę, in hoc tuo regno adimpletū esse
contueremur. At quum ad quattuor annorum inducias pro
beatissimi pontificis voto tuū animū inclinasti, qbus ad per-
ennem pacem via facilis habenda est, summo illi opifici im-
primis, a quo omne datum optimū & omne donū pfectum
est, quas possum immortales & immensas, tuęq; serenitati in-
gentes habeo, agoq; gratias, ac referre opto, postq; tot rei
christiāe periculis a te occurrī, postq; pontifici sanctissimo
obtemperā, postq; tot nostras curas, & operas assiduas: tot;

varia, longa, & difficilia itinera, tot mentis & corporis discrimina, pericula, tot sedula officia frustra & in cassum non egimus, non suscepimus, ad illosq; pedes beatissimos, & thronū apostolicum tantorū laborum fructum aliquē referre liceat. Tuū erit interea rex amplissime eis cōditionibus, eis modis regium tuum animū benigne flectere & accomōdare, qbus inter te auunculum serenissimū & Albertum ex sorore nepotem principem excellentissimū, ac ordinem theutonicorū vera, integra, ac perpetua recōciliatio, pax, & necessitudo instaurantur, illaq; dissidia, illa arma: quæ hactenus inter vos effervere, in hostes christiani generis & catholicę vnitatis inimicos: quos in sanis vestrum vterq; habetis reijciantur. Subeat nunc illa sancta & salubris cogitatio assumēdi arma in turcas, in mauros, recuperādī patriam illam mystico lacte & melle manantem, vbi deus noster ante sæcula operatus est salutem in medio terrę: vt inde omni infidelium, & immundorum hominum lue eliminata, & sublata tyrānide liberi adoremus in loco vbi steterūt pedes eius. Subeat nunc cura illa egregia & insignis eripiendi fratres nostros, verum semen Abrahę de impijssimi Maumethis iugo, ac oriētale imperium sanctę & immaculatę religioni restituendi. En sub crudeli diutinaq; seruitute genus electum, regale sacerdotium, gens sancta, populus acquisitionis languet, super flumina babilonis sedet, & luget dum recordatur liberę Syon nostrę. Huc rex inuictissime: huc rex gloriosissime vna cum nepote tuo charissimo Alberto illustri principe, vna cum christianis principibus vniuersis apprehēde arma & scutū, & exurge in adiutoriū christiani populi. Effunde frameā tuā aduersus eos